



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicoꝝ, 1607

S. Philetæꝝ M.

urn:nbn:de:hbz:466:1-43013

pentem in ipsa via mortuum offendunt, & mox Iudæus ad comites: Si, inquit, hunc anguem deuoraueritis, nihilque inde detrimenti ceperitis, Christianum me profitebor. Extemplo igitur arreptum Eugenius colubrum in tres diuellit partes, vnamq; ipse, duas reliqui, spectante Iudæo, absumunt, saluique persistunt. In quibus Evangelicum illud & salutare oraculum expletum est. Et in manibus suis serpentes tollent; & si mortiferum quid biberint, non illos nocebit. Iudæus cum illis ad Xenodochium reuersus, in eo mansit, Christi; fidem suscepit.

*Marc. Gl.
timo.*

*Cap. 176.
prat. spirit.*

Refert & Ioannes Euiratus, rem lectione dignâ de Hebræo adolescente arena primum, deinde aqua baptisato. Socratem ad lib. 7. c. 38. de Iudæis cretenticus.

30. Decēb.

S. PHILETÆRV9 M.

Dioletiano quondâ Nicomediam ingresso, de Christiano quodam Philetæro suggestum est, missisque extemplo satellitibus, eum sibi coram sisti imperat. Cuius solo aspectu mox percussus est Imperator. Erat enim vir sanctus staturâ procerâ, & singulari oris dignitate, comâque & barba non secus ac aurum radiabant, unde & Deum illum non hominem appellauit. Deinde compellans Imperator age, dic nobis, inquit, quæ tibi patria, quod nomen, quæ studia sunt? Et vir sanctus: patria sum Nicomediensis, præfecti filius hominis Chri-

3. Alexu.

Chri-

Christiani, mihi Philetæro nomen est. Tum propius accersendo, blandiendoque cœpit Imperator maledicta in Christum Iesum Dominum nostrum iacere, cum sanctus statim sublatis in cœlum luminibus, ostruatur, inquit, os, Christo meo maledicentis, repenteque tantopere cœlum intonuit, terraque concussa est, vt Imperator ipse cum toto satellitio suo contremisceret. Subitò ergo in ardentissimum fornacis incendium iactatur, sed precibus igne dissipato, rogoque toto deleta, ipse illæsus exiuit. Quare Imperator rubore suffusus, illum propter generis nobilitatem, vel potius ob ingentia prodigia, quæ ab illo ediderat, solutum abire quo vellet permisit. Sed Maximiano Nicomediæ postmodum imperante, rursus defertur, adductusque Christum verum Deum, atq; vniuersi conditorem profitetur. Primum ergo dum virgis cædirur, attoniti lictores, & quasi exanimati conciderunt, videbatur enim, Christo eum firmante, velut in alieno corpore torqueri. Suspensus inde adeo laniamur, vti carnificibus idem prope, quod antea lictoribus contigerat, accideret. Feris postea obijcitur, sed bestijs ad pedes illius se prouoluentibus, ad fanum Idolorum adorant-

dorant-

dorandorum causâ ducitur, quæ precibus
 mox deiecit. Imperatore demum capitis
 sententiam pronunciante, vt gladio in il-
 lum animaduverteretur, cum apparitor fer-
 rum stringeret, repente manus illi obrigu-
 it, alteri mox enseni arripienti, aduersus-
 que sanctû extendenti idem euenit. Con-
 ijcitur in vincula, rursûque torquetur, &
 catenis oneratur. Tandem Imperator cum
 videret inuictum illum à sententiâ dimo-
 ueri non posse, in asperam Insulam relegat.
 In vinculis ergo circumductus, signa per vi-
 am non pauca edidit, cum malos dæmonas
 pelleret, Elephantiacos abstergeret, om-
 niaque morborum, genera curaret. Idola
 vnico verbo ab alto in terram deripuit, at-
 que in cineres & aquas redegit. Nicææ cû
 vinctus fano Idolorû admoueretur, tactuq;
 illud contingeret, subito à fundamentis e-
 uersum deleuit, per quæ miracula multos
 Christo adiunxit; inter quos Comes quoq;
 Christum cum sex militibus est professus.
 Cum autem ad Sigrianos fines accederent,
 ibiq; multa item miracula à sancto fierent,
 incolæ illi & comiti significarunt, proximè
 inde abesse hominem Christianum, Eubio-
 tum nomine, multa variaq; tormēta Chri-
 sti causa à præside perpeffum, non secus ac
 adaman-

πικρόνησον
 lego. ποικ
 πικρόνησον
 ulit.
 προκόνησον
 Proconesi
 Menol.

adamantem iunctum ac illaſum perſtitifſe, qui ingentia paſſim ſigna efficiat. Hæc ubi S. Philetærus audiuit, ad viſendum illum properauit. Angelus interim Domini, ad B. Eubiotum ingreſſus, exi, inquit, è cellulâ tuâ, & ades in locum hunc, ubi Philetæro ſocio martyrij occurras; Egreſſus ergo extemplo deſcendit ex Sigriano monte. Philetærus autem, duce quodam itineris regionis incolâ, montem cum comite & ſex militibus ad fidem conuerſis, & ab illo ſacra tinctione ablutis, qui cum Philetæro manere decreuerunt, ſubibat, paulumque aduerſo monte progreſſi, vident B. Eubiotum in occurſum deſcendentem, mutuoque conſolantes, & ingenti gaudio perfuſi, geſtientes lætitiâ montem aſcenderunt, ſanctique Ebioti gurguſtium ingreſſi, ſeptem ibi dies morati ſunt, cum ſomno, quem optarat S. Philetærus, beato conſopitur, atque ad deſideratum Chriſtum ſuum euolauit, quem in ſuo domicilio B. Eubiotus tumulauit. pariterque & comes, & ſex illi ſatellites vndecimo poſt die, quam ad S. virum venerant, obierunt, propter S. virum ſiti.

ANNOTATIONES.

I

MENO

MEnologium huius continet acta 19. Maij, vbi filius Patiani proconsulis dicitur. Eubiorus prope simili perfunctus vitâ, post sexcenta tormenta in solitudine tamen diem suum obiit 18. Decembris.

5. Ianuar.

S. PHOSTERIVS.

Hic S. noster Pater Phosterius ex Oriente, veluti sol quidam effulgens occidentem splendore suo illustravit. Cum enim altam rupem, & ab omni strepitu remotam ascendisset, purissimis Deum precibus coluit, cibiq; abstinentia, insomniâq; & chameuniis, cæterisq; corporis afflictationibus se ipsum discruciendo verè sidus videbatur, nomineq; rebus conueniente, orbem omnem luminis fulgore impleuit. Corpus autem castimoniâ illibatum, mentem sanctimoniâ consecrauit, Deiq; expressam animi similitudinem vti erat capax, custodiendo, spiritus sancti sacrarium effecit. Etenim miraculis à Deo auctus & exornatus, morbos omnes, omnisq; generis ægrotudines, à quacunque hominum sorte precando depulit, panesq; diuinitus, vt olim Elias vates, * accepit. Sed ille per coruum, hic verò per cœlitis manum capiebat. Angelus igitur erat, qui huic quot diebus, certe

* & postea
Paulus pri
miss cum
Antonio.